


ENTRÉE  
DE  
MADAME  
D'ANTHÈSE  
À  
PARIS

S. D.












CLOSS

R.752

35484 Res







<sup>es</sup> 35484  
**L**étree de tres excel

lente princesse ma dame Marie Dan-  
gleterre - 7 Roïne de France. En la no-  
ble ville cite 7 vniuersite de paris faicte le  
lundy .vi. iour de Nouembre . Lan de  
grace Adil cinq cens 7 quatorze.



**A** La louenge et gloire de dieu le createur  
De la glorieuse Vierge marie & de tou  
te la court celestielle d' paradis Et po  
l'honneur & reuerence du ioyeux aduenemēt de lad  
Dame en la Ville & cite de paris.

**P**remieremēt & au cōmencement de lad' entree  
allerent au deuant hors lad' Ville les religieux et  
freres des quatres ordres mēdiennes portās leurs  
croix chascune ordre en belle ordonnance.

**I**tem apres allerent au deuant de ladite dame  
les Capitaines des archiers & arbalestriers de lad'  
Ville & leur compaignie bien montez & abillez de  
hocquetons argentez & au meillen desditz hocque  
tōs auoit Vne nauire d'argent entrelassee d' lettres  
dor denotant paris sans per & en leurs testes chap  
peaulx & plumars blancs & deuant eulx les trom  
pettes & clerons.

**I**tem aps allerēt au deuāt de lad' dame meissi/  
gnirs les preuost des marchans & escheuins de lad'  
Ville & deuant eulx les sergens dud' hostel / & aps  
lesd' seignrs Les bourgois marchans & officiers  
de ladite Ville tous en belle ordonnance.

**I**tem apres allerent au deuant de ladite dame

messeigneurs les lieuytenans de monseigneur le  
Prieost de paris / et deuant eulx monseigneur le  
cheualier & gens du guet en hocquetons argentez  
a Vne estoille dor. Et apres messieurs les lieuyte  
nâs les huysiers greffiers cōmissaires notaires  
aduocatz & procureurs du chastellet de paris tous  
en belle & honorable ordonnance.

**C**este apres allerēt au deuant de lad̄ dame Mō sei  
gneur le prieost de paris & deuant luy deux paiges  
d'honneur montez sur coursiers / & douze archiers  
& sergens en hocq̄tons argentez portant la liurte  
dud̄ seigneur & en sa compagnie allerent plusieurs  
autres barons / cheualiers secretaires escuyers de  
paris & ysse de france tous en belle ordonnance.

**C**este apres allerent au deuant de ladite dame  
messeigneurs les capitaines de l'hostel du roy nostre  
sire Westassauoir mō seigneur le grant seneschal  
capitaine & cōducteur des cent pencionnaires mō  
seigneur de longueuille capitaine & cōducteur des  
cent gentilsz hommes Mō seigneur daubigny ca  
pitaine & conducteur des cent archiers escossoys /  
monseigneur gabriel de la chaire capitaine & con  
ducteur des archiers de la grant garde / mō seigneur  
de la marche capitaine et conducteur des cent su  
yffes / tous les seigneurs dessusdictz sumptueuse

ment & richement acoustrez & montez sur beaux  
courciers & genetz de spaigne en belle & honorable  
ordonnance:

**C**Item apres allerent au deuant de ladite dame  
messieurs les princes barons cheualiers et gentilsz  
hōmes escuyers secretaires dangleterre et en leur  
cōpaignie plusieurs grans princes et gentilsz hō  
mes de frāce sumptueusement et richement acou  
strez et montez / et leurs poursuyuans en belle et  
honorable ordonnance

**C**Item ap̄s allerent au deuant de lad̄ dame mes  
seign̄rs les presidens tresoriers & seign̄rs des cō/  
ptes avec messeigneurs les generauls des finan  
ces / des mōnoyes & esleuz de paris & deuant eulz  
leurs clerctz poursuyuans Messagiers & huissiers  
en belle et honorable ordonnance:

**C**Item apres allerent au deuāt de ladicte dame  
messeigneurs les quatre p̄sidēs & avec eulz estoit  
toute la court de parlemēt et deuant eulz les gref  
fiers & huissiers de ladicte court & apres lesditz sei  
gneurs Lescommisaires notaires / aduocat̄z & p  
cureurs tous en belle et honorable ordonnance:

**C**Item apres allerent au deuant de ladicte da/

me messeigneurs les ducz Lestassauoir Monsieur  
Monseigneur dalencon Monseigneur de Vendosme  
& Monseigneur de bourbon & avec eulx francoys mon  
seigneur de bourbon et loys monseigneur d'neuers mon  
seigneur le grant maistre sumptueusement & richement  
acoustrez de drap dor & montez sur leurs coursiers.

Item tous les dessusd' chascun en belle ordre che  
uaucherent hors Paris iusqs a la chapelle saint  
denis ouquel lieu estoit ladicte dame acompaignee  
des princesses Lestassauoir de Ma dame claudes/  
Ma dame dangolesme Ma dame dalencon Ma  
dame de Vendosme Ma dame de neuers Et plu/  
sieurs autres princesses/dames/ & damoiselles d'  
france & dangleterre/ & en passant deuant ladicte  
dame Vng chascun luy fist honneur & reuerance  
en son ioyeux aduenement & entree en la noble vil  
le de Paris chief principale & capitale de tout le  
royaulme de france:

Item tous les dessusdictz seigneurs chascun en  
ordonnance commencerent a marcher Vers paris  
Et les princes & princesses dessusdictz deuant & a  
pres ladicte dame laquelle estoit assise en Vne licti  
ere si sumptueusement et richement acoustree /et  
vestue dune robe dor couuerte & brodee de pierre/  
rie/ & de fines pierres precieuses en ses dois/ Vng

carcan au col que homme viuant ne scauroit nō  
brier ne priser / & monsieur au pres delle luy tenāt  
cōpaignie sumptueusemēt & richement acoustre.

**C**Item et deuant ladicte dame marchoiēt les  
suysses en ordōnance et messeigneurs les heraulx  
darmes du roy de france & dangleterre & des prin  
ces dessusditz qui estoiet en nōbre .xxiiii. chacun  
portant sa cotte darmes et la liuree de son prince.  
Et deuant eulx les trompettes et clairons.

**C**Item et deuant lad̄ dame estoit mōsieur le pre  
uost de lostel. Messeign̄rs les princes dessusditz a  
dextre & a senestre / & deuant eulx le's pages dhōne  
& aps lesd̄ pages marchoit Vng cheual dhōneur &  
Vne haquenee sūptueusemēt & richemēt acoustree

**C**Item a l'entree de ladicte Ville ladicte dame fut  
receue honorablement par mesditz seigneurs les  
escheuins & plus suffisans bourgeois et marchā  
de ladicte Ville / lesquels seigneurs & escheuins po  
serent Vng ciel de drap dor broche sur lad̄ dame  
seme de fleurs de lys & de roses vermeilles / lesq̄lz  
le porterēt Vne espace / en apres les bourgeois mar  
chans orfeures et hanouars / selon les coustumes  
anciennes iusques a nostre dame de paris. Et de  
la iusques au Dallays royal du roy nostre sire



**C**este depuis lad porte fait denis iusq̄s a nostre dame de pis toutes les rues estoient tendues de riches broderies & ta pisseries & plusieurs escharfauc & misteres esd rues eode plus aplain sera declaire.

**C**este a l'entree de lad Ville auoit Vng grant escharfauc sur le quel auoit Vne grãde nauire d'argent sur Vne mer dedãs laq̄ lle estoit le roy bacus tenant Vng beau raisin denotãt plante de Vins & Vne royne tenãt Vne gerbe denotant plante de blez / & aux trois matz de lad nauire au pl<sup>9</sup> hault estoient trois grosses hunes dorees dedans lesq̄les estoient trois personages les deux armes aux deux boutz tenant chacun Vng grãt escuillon & ce luy du meillieu Vng escu de france / & aux quatre boutz de lad mer estoient quatre grans monstres soufflant denotant les quatre Vens nommez subsolamus auster boreaus & zephirus et dedans lad nauire estoient matelotz & autres personages lesq̄lz chãtoient melodieusement / & aux deux boutz de lad nauire estoient les armes de l'hostel de lad Ville.

**C**este a la fontaine du pourceau auoit Vng beau iardin dedans leq̄l auoit Vng beau lys & Vng beau rosier de roses vermeilles et dedãs led iardin estoient trois ieunes pucelles nommees lune beaulte lyesse / & prosperite & autour dudit iardin estoit es-

cript Gratia preueniens & gratia gens data.

**C**Ité deuant la trinite auoit Vng escharfauult sur  
leq̄l estoit le roy dauid et ses eslrs et la royne de sa  
ba & cinq ieunes damoiselles / laq̄lle royne portoit  
la paio a baiser audict roy leq̄l la remercioit hum  
blement / & au pied dud escharfauult estoit escript.

**R**oyne saba dame de renommee  
Est venu veoir salomon le tressage  
Qui la receue dun amoureux courage  
Par sur toutes la prisee & aymee  
Cest la royne par Vertu enflamnee  
Belle & bonne Vertueuse en langaige

**C**Noble saba

**L**e trescrestien saichant quel est famee  
A prins plaisir voir en son heritage  
Le beau present de paio en mariage  
Sest en suiuy dont elle est estimee.

**C**Noble saba

**C**Item a la porte aux peintres auoit Vng grâe  
escharffauult au plus hault duquel estoit le grant  
pasteur tenât le lys & le cueur de frâce / & au bas du  
dit escharfauult estoient Vng roy et Vne royne le  
dit roy tenoit en ses mains Vng ceptre & Vng ba  
ston royal & lad royne tenant en Vne main Vng  
baston royal et en lautre Vne rose Vermeille et au

deffoubz estoiet cinq ieunes pucelles Cestassauoit  
France/pair/amytie/ & federation/ & angleterre  
lesquelles chantoiet melodieuſemēt Et au deſſus  
dudit roy & de la dicte royne estoit eſcript

**V**eni de libano spōsa mea Veni & coronaberis

**I**tem deuant ſaint innocent auoit Vng grāt  
eſchar fault / et au plus hault estoient les quatre  
Vertus gardant le lys de frāce/ & au deſſus estoit  
eſcript ce qui ſen ſuyt.

**M**isericordia & Veritas custodiunt  
Et roborabitur clementia eius.

**E**t au bas dud' eſchar fault estoit dieu le pere le  
quel faisoit monter au plus hault avec ledict lys  
Vne belle rose Vermeille eſpanie/ dedans laquelle  
le estoit Vne ieune royne nommee franc Vergier  
montant au trosne dhonneur Et au pied dudict  
eſchar fault estoit dame pair/ laquelle auoit mis  
& tresbuche la guerre ſoubz ſes piedz

**I**tem au chaſtellet de paris auoit Vng grant  
eſchar fault au meilleu duquel estoit dame Juſti  
ce & Verite mōtāt & deſcēdant du trosne ſur la ter  
re/ & a dextre & a ſeneſtre estoient les douze pers d

france chascun portant ses armes gardant la cou  
ronne de frâce. Et au meillen dudict escharfault  
estoit escript ce qui sen suyt.

**V**eritas de terra orta est  
Et iusticia de celo prospexit

**E**t au bas dud' escharfault estoient cinq pson  
nages au meillen desqz estoit bon accord / stella  
maris / minerue / dyana / phebus :

**I**tem a la porte royalle du pallays auoit Vng  
grāt escharfault au pl<sup>9</sup> hault duquel estoit lange  
gabriel Saluant la Vierge marie en disant Au  
gratia plena ⁊ entre deus auoit Vng beau lys / ⁊  
au dessoubz estoient deus grans escuscouronnez  
Lestassauoit lescu de france de lordre du Roy / et  
lautre my party dazur et de guelle seme de fleurs  
de lys dor ⁊ trois liepars dor en champ de gueulle  
Borde de roses Vermeilles / ⁊ a dextre estoit Vng  
grant porc espic soustenant lesdictz escuz / et a se  
nestre auoit Vng grant lyon rāpant soustenant  
lesdictz escus Et au bas dudict escharfault auoit  
Vng beau iardin nomme le Vergier de france se  
me de plusieurs beaux lys Et au dessus dudict  
iardin estoient Vng roy ⁊ Vne royne / ⁊ a dextre  
estoit dame Justice tenant Vne spee en sa main

à fenestre estoit dame Verite tenant en sa main  
la paix / & dedans ledict iardin estoient plusieurs  
bergiers & bergeres lesquelz chantoient melodieu  
sement. Et a destre & a fenestre dud escharfault  
estoit escript ce qui sensuyt.

Comme la paix entre dieu & les hommes  
Par le moyen de la Vierge marie  
Fut iadis faicte ainsi a present sommes  
Bourgeois francoys de frangez nos sommes  
Car marie avec nous se marie.

Justice & paix auprès d'elle apparie  
Au parc de france & pays d'angleterre  
Puis que le las d'amours tient l'armoirie  
J'assoit auons pour nous nul nen Marie  
Marie au ciel / & marie en la terre

Item deuant sainte Geneviefue des ardens  
en la cite / trouua ladicte dame nostre mere Uni  
uersite. Lestassauoir monsieur le Recteur acōpat  
gne de grāt nombre de docteurs tāt en Theologie  
Decret / Medecine / que maistres es ars. Avec les  
scribe & procureurs / & les bedeauly des nations et  
facultez dicelle Vniuersite chacun ayāt Vne masse  
d'argent dore / & lesditz docteurs tous ayans leurs  
habitx & chapperons fourrez en belle & honorable

ordonnance/entre lesquelz y eut Vng Venerable  
docteur lequel fist Vne belle harenque pour luni/  
uersite deuant ladicte dame.

**C**Item Vng peu plus auant deuant la porte de  
la grande eglise nostre dame estoient reuerens pe  
res en dieu messeigneurs les cardinaulx/arceues/  
ques de Lens/euesques de Paris Tresorier de la  
sainte chappelle/acompaignez des abbez de sainte  
Geneuiefue Saint Victor/saint Magloire/ & de  
plusieurs autres prelatz officiaulx/doyen/ & cha/  
noynes/tous reueftus de riches chappes.

**C**Item ladicte dame entra dedans ladicte eglise  
& comença lon a iouer des grosses orgues & a son/  
ner toutes les cloches de ladicte eglise. Et lesdictz  
prelatz commencerent a chanter. Te deum lauda  
mus/en grant solempnite/ Et lors lad dame sen  
alla deuant le maistre hautel de ladite eglise lequel  
estoit richement pare & a genoulx fist son oraison  
& toute sa compagnie/en remerciât dieu & nostre  
Dame.

**C**itez tout cela fait Reuerend pere en dieu Mō/  
sieur de paris dōna la benediction a ladicte dame  
& a sa cōpaignie & la salua en grant reuerance en  
luy disant Treschere dame Vous soyez la tresbien

venue en ce royaume. Tout cela dit & fait ladicte dame print congé de mesdictz seigneurs les prelatz & des assistens / & sen retourna sur sa litiere & sen alla soupper au palais royal du roy nostre sire ou elle tint court royalle a toutes gens notables venans a court comme plus aplain sera declare.

Item est ladicte dame entree en ladicte grant salle sen alla asseoir au milieu de la table de marbre / & aussi a fenestre ma dame Claude / ma dame dangloisne ma dame dalencon / ma dame de nevers ma dame de Vendosme et plusieurs autres.

Item en vne aultre table estoient assises plusieurs autres grans princesses dames & damoiselles de france et dangleterre en belle & honnorable ordonnance.

Item ladicte grant salle estoit toute tendue de riche broderie & tapisserye Et autour des pilliers estoient grans dressouers sus lesquelz auoit si grande quantite de Vesselle dor & dargent que a peine on ne scauroit priser ne nombre.

Item & tout au long de ladicte grant salle y auoit tables pour asseoir boire et menager a toutes

gens notables Venās a court lesquelz furent ser/  
uis de plusieurs sortes de Viandes & metz que ia/  
mais homme viuāt ne Vit si sumptueus souper  
a entree de royne.

**C**Item en ladicte grant salle auoit plusieurs es/  
charfaulx sur lesquelz estoient trōpettes et clerōs  
& haurobois lesquelz faisoit si beau ouyr q̄ ce sem/  
bloit Vng petit paradis q̄ de estre en ladicte salle.

**C**Item audict souper furent apportez plusieurs  
entremetz a la table de ladicte dame Cestassauoir  
Vng phenix leq̄l se batoit de ses elles / & allumoit  
le feu pour ce brusler.

**C**Item Vng autre entremetz / cestassauoir Vng  
saint george a cheual qui conduisoit Vne puce lle

**C**Item Vng autre entremetz / cestassauoir Vng  
Dorc espic & Vng Lye part rampant soustenant  
le feu de france.

**C**Item Vng autre entremetz Cestassauoir les  
quatre filz aymon sur Vng grant cheual.

**C**Item Vng autre entremetz Cestassauoir  
Vng mouton.



**C**Item Vng autre metz Cestassauoir Vng coq  
et Vng lieure en Vne broche qui ioustoyent lung  
contre lautre.

**C**Item ce fait ladicte dame donna a messeigne's  
les heraulx darmes / & aux ioueurs de trompettes  
& clerons Vne nauire d'argent Lesquelz cryoient  
fous / largesse / largesse.

**C**Item apres toutes les choses dessusdictes furent  
faictes plusieurs ioyusetes / & esbatemens pour res  
iouyr ladicte dame & sa compagnie Cela fait lad  
dame print conge & sen alla coucher audit palays  
& chascun sen alla en son logis.

**C**Finis.

*Se on faisoit tel honneur si a tel temple  
quar l'archeduc se fa son entree  
arab. et lui seroit grant honneur  
et estoit a l'air.*

Et tunc dicitur in hunc modum  
et tunc dicitur in hunc modum  
concordant.



